

Sulu ma le Malamalama i o tatou Ala

NOVEMA 2023


Fa'atalofa ma ofo alofa atu ile pa'ia maualuga o le tatou Kapelanisia Samoa i Ueligitone nei. Malo lava le soifua maua ma le lagi e mamā iā te outou uma, mai lava i mauga tetele se'i o'o atu i mauga iti, pei o lea alagā upu. Malo le tauāta'i. Malo lava mo le faigamalaga ae maise lava la tatou savaliga ile ola fa'atuatua i lenei tausaga. Ua toe ose ana ona tatou taunu'u atu lea i le siui o lenei fo'i tausaga 2023.

Ni nai manatunatuga ma se fa'amalosi'au mo tatou i lenei masina o Novema 2023. E moni lava o Afioga ale Atua *o le sulu lea i o tatou vae ma le malamalama i o tatou ala*. Auā fo'i o le molī e fa'aaogā e tatou uma e fa'amalamalama ai le pogisā pe a o'o mai le po ma le malamalama e tapasā ai le ala. O le fuaiupu fo'i lea e fa'apupula ma fa'amanatu atili mai ai iā i tatou, o le fa'amoemoe ma le fa'alagolago i Afioga ale Atua, o le auala lea e maua ai le ola fa'akerisiano. O le Evagelia o aso Sa uma ole masina o Novema, toeititi lava na'o Mataio. O le Evagelia a Mataio e tele lava ile sini lea o le "folafolaga ma le fa'ataunu'uina". E amata lava le Evagelia a Mataio ile fa'alauiloaina mai ole gafa o Iesu, le Atali'i o Tavita (*folafolaga*) ae fa'ai'u ile maliu o Iesu i le koluse (*fa'ataunu'uina*). O le sini autū lea ole tala'iga a Iesu o lo'o tapu'e mai lea e le Evagelia a Mataio. E molimau mai Mataio ile matafaioi a le Atali'i ole Atua i fuafuaga ale Atua le Tamā. Na'a'oa'o mai Iesu iā tatou le fa'atuatua, alofa ma le auauna atu ile Atua ma ia fa'apea fo'i ona tatou alofa ma auauna atu i so'o se tasi ina ia tatou maua ai le ola e fa'avavau. O Afioga ale Atua e taūa tele ma e mana'omia tele mo le olaga atoatoa iā Iesu Keriso. Ole olaga atalī po'o le ola e fa'avavau (*eternal life*) o lo'o tatou saili atu i ai auā ole taunu'uga lea ole savaliga fa'aleagaga ole tagata i lenei olaga. O la tatou faigamalaga e saga fa'amanatu mai ai pea lo tatou tausiniō ina ia maua le ola e fa'avavau. E fa'amanatu mai pea fo'i lea fa'aupuga (ola e fa'avavau) ile tatalo ole Fa'atuatua ile Taulaga Pa'ia ole Misasa. I le laina aga'i ile fa'aiuga ole tatalo, *Ou te fa'atuatua i le Agaga Paia, le Ekalesia Paia Katoliko, Le Komunio o le Au Paia, le fa'amagaloga o agasala, Le Toetu a'e o le tino ma le ola e fa'avavau*. O le a le ola e fa'avavau lea e tatou te fa'atuatua ma saili atu i ai? *Ioane 17: 3* – Ole ola e fa'avavau fo'i lenei, 'ia latou iloa oe le Atua moni e to'atasi, atoa ma lē ua e auina mai, o Iesu Keriso lea'. O Afioga nei ua fai ma sulu lea i o tatou vae ma malamalama i o tatou ala.

Fa'amanuia le Atua i le tatou Kapelanisia ma la tatou savaliga aga'i atu i le fa'ai'uga o lenei tausaga, soifua.

Malia Vito – Tupa'i

AFIOGA AKIEPIKOPO PAUL



4 Oketopa 2023

Fa'atalofa atu i Uso ma Tuafafine

Ua ou tusi atu iā te outou i le aso mulimuli o la matou Aso Mafaufau i'inei i Frate-ma Domus i autafa o le 'a'ai tele o Roma. O se nofoaga telē tele e ova atu ma le 500 potu ma le falesa e mafai ona ofi ai fo'i lea anoanoa'i o ta-

gata. E faselau i matou o lo'o fa'atasi ai i'inei mo le Aso Mafaufau o lo'o ta'ita'ia e Patele Timothy Radcliffe. O se tasi mai le ituaiga ta'uta'ua o le Dominican ma sa i Niu Sila ise taimi ua tuana'i. O ana sao mo i matou o ni fa'aosofiaga fa'alemafau ma a tou maua se avanoa, ou te fa'amalosi'au iā te outou e faitau pe matamata ana talanoaga sa tu'uina mai iā i matou. O le feso'ota'oga lenei: <https://www.vaticannews.va/en/search.html?q=-Synod%20retreat%0meditation&in-all&sorting=latest>

I le aso 18 o Setema sa ou 'au atu ai ma Manuel Beazley ma Lorraine Elliot o Aukelani i se fonotaga mo Tagatānu'u Katoliko mai Ausetalia, Unaitē Setete, Kanata ma Niu Sila sa faia i Uāsinitone i Amerika. O se fuafuaga a le Koneferenisi a Epikopo a Unaitē Setete ma na aumai fa'atasi ai sui usufono e 22 e va'ava'ai i auala sa galue ai le Ekalesia ma o lo'o galue ai nei fa'atasi ma tagatānu'u o nei atunu'u. O se fonotaga manaia ma le fa'aosofia i tulaga o le fa'alogo atu i mea sa tutupu ma mea o lo'o tutupu i taimi nei. O lo'o i ai se fa'aosofiaga moni ile fa'aaauina o lenei galuega ma e i ai le fa'amoemoe o le avanoa e fa'aopoopo ai i lenei ulua'i fa'atasiga o le a fua mai ai ni fua lelei.

Oketopa o le masina a lo Tatou Tama'ita'i ma e masani lava o se taimi lenei tatou te avatu ai le va'ai 'autū i le tatalo matagofie o le Losalio ma talosaga mo le fesoasaoni a Maria ma lana fautua mo i tatou a o tatou mulimulita'i i lona Alo. Afai o le losalio e lē o se vaega o au fai-

ga masani fa'aleagaga, o se avanoa lelei lenei e toe fa'amasani ai, pe aumai se vaega fa'atasi e tataloina atoa po na o ni vaega ta'itasi i aso ta'itasi.

O se fiafiaga tele ua tatou patipatia le fa'au'uina o Epikopo John Adams mo le Pule'aga a Palmerston North. Ou te iloaina o tagata i'inā ua olioli ina ua toe maua atu sa latou epikopo ma ou te talosagaina ai outou ina ia tatalo pea mo a tatou uso ma tuafafine o le puleaga a o aga'i atu Epikopo John e amataina lana 'au'aunaga o le Leoleo mamoe a le Pule'aga.

O le vaiaso lona lua na potopoto atu ai faife'au a Niu Sila mo la latou fa'apotopotoga. E ta'i lima tausaga ma faia lenei fa'apotopotoga ma o se avanoa mo faife'au e feiloa'i ai le tasi i le isi, fa'aalu se taimi i mafutaga tatalo ma fetufaa'i ma tomanatuga i tatalo. Fa'afetai atu iā outou mo le fa'anaunautā'iga e tu'u atu a outou faife'au e tu'ua a outou palisi i lenei taimi ma ou te iloaina latou te talisapaia a outou talosaga mo le alu lelei o lenei polokalame. O le aso Gafua, aso 16 Oketopa na toe fo'i atu ai tamaiti a'oga ma faia'oga mo le kuata mulimuli o lenei tausaga a'oga. O o'u fa'amoe-moega o taimi o tu'uaga o ni taimi o faigā malologa ma mo olaga a aiga ma o lenei kuata o se taimi lelei mo latou uma ua a'afia i a'oa'oga.

O le aso 5 sa potopoto atu ai i Sagato Peteru mo le Misasa ma Pope Faranisisi e tatalaina ai le Sinoti i le Fa'asinoti. I le aoauli sa matou potopoto i le fale ua ta'ua o Sagato Paulo mo le vaega amata. O se taimi taūa lenei i le olaga a lo tatou Ekalesia ma o le vala'au mo tatou ina ia fa'alogo i le Agaga Pa'ia, ia tatala atu le tasi i le isi ma va'ai po'o ā mea ua vala'auina ai i tatou e fuafua mo le lumana'i. E le'i i ai lava se taimi fa'apenei sa maua ai e le to'atele se avanoa e faia ai ni sao i se sinoti ma e ui e 'ese'ese la tatou Ekalesia i ona fausaga, e tasi i tatou ia Iesu Keriso ma i lenei o lona Tino. Fa'amolemole tatalo mo le Sinoti, ma latou uma o lo'o a'afia fa'apea le Ekalesia atoa.

+ Paulo sm.

EVAGELIA A MATAIO

Mataio 6: 1 – 18. O Galuega lelei e lē fa'ailoaina – O le Tatalo ale Ali'i.

O lenei ua liliu atu Mataio i le fesili pe fa'apefea i galuega lelei ona faia. Ua ia toe aumaia le mataupu fa'avae lautele ona soso'o mai ai lea ma galuega lelei masani a le fa'aiutaia: lima foa'i. tatalo ma le anapogi. I nei vaega ta'itasi ua ia fa'aogaina le faiga masani: 'Afa'i o 'oe...'aua nei e ilia le pu i o luma, e pei ona faia e tagata fa'afiaamionu. E moni ou te fai atu iā te outou, ua maua e i latou lo latou tau. Ae afa'i o 'oe...'ina ia lilo au mealofa, o lou Tamā fo'i, o lē silafia i le mea lilo, o ia lava na avatu se tau iā te oe.' O le lesona la, o se faiga laua'itele ua a'afia ai gaioiga lelei uma, e ui ua faia e Mataio le fa'aogaina ua na o le tolu ni fa'ata'ita'i masani. O lona taūa ua fa'aalia i lona tupu a'e i se isi vaega o le evagelia, mo se fa'ata'ita'iga i le tu'ua'iga e Mataio o le fiafa'aalialia ale au Farasaio ma le ao lafoga i tatalo.

Agai atu i lenei olega mo se faigofie ma le mamā ua tu'uina mai ai e le tusi evagelia le Tatalo ale Ali'i. E pei o le tulaga a fa'amanuiaga ua fa'ateleina itiiiti e Mataio le fa'aaliga muamua a Luka (mo se fa'ata'ita'iga o Luka ua na o le Tamā, ma e leai le fa'aupuga 'ia faia lou finagalo'); o le vaega a Mataio fa'amanuiaina i le atoaga ae leiloa atu i le tu'usa'o ma le faigofie. I le au so'o o le elemene mata'iga i luga atu o isi uma o le masani ona vala'uina le Atua 'Tamā – ua māta'iga tele na fa'aopoopo i ai e Mataio 'i le lagi' ina ia aua ne'i i ai se fenumia'i. O le auala na fa'ailoa ai e Iesu le Atua o lona Tamā, ma fa'atonu ana so'o ina ia faia fa'apenā, ua fa'ata'oto ai le faiga, i mata a Paulo, mo le va feagai ai atoa a le au Kerisiano i le Atua. O le Agaga ua aofia ai le tagata o se Kerisiano o le Agaga 'ua tatou alaga atu ai "Tamā". O i'inei ua fa'aoga ai e Paulo le upu Arapi sa i le tomuaga o le tatalo ale Ali'i. O lona uiga ua lē na o le 'tamā' ae o le masani ua fa'aoga e fanau i o latou tamā. O lenei latalata i le Atua sa lē talitonuina e ulua'i Kerisiano, e ui sa lē malamalama i le gagana Arapi, sa taofiofi i lenei upu e tasi 'Abba – Tamā' o se fa'amautinoaina o le mafutaga. Ae sa sili atu lona māta'iga i le fa'asaga atu i le tala'aga o uiga fa'aonapo nei a Iutaia i le Atua, ua fa'amamafaina mai na o lona tulaga fa'atupu, mamalu ma lona silisili 'ese e lē gata, o lona alofa o se tamā ua fa'agaloina ona o le mata'u ma le maofa o ni va'aiga ua silisili i lo latou vā feagai ai ma ia. Amataina ma lenei vala'uina i le Tamā, o le tatalo ale Ali'i ua tulaga muamua o se tatalo a tamaiti ina ia fa'ataunu'uina uma mafua'aga a latou tamā, ma o se talosaga fo'i o le felagolagoma'i.

O talosaga muamua e tolu e tutusa, fa'a'autū lea 'ia o'o mai lou malō'. I le sau ai o le malō ua fa'apa'iaina ai le suafa o le Atua, ona o lona mana ma lona alofa mo ona tagata (ona o fa'augaga nei o lona 'suafa', lona uiga iloga nei o ia) ua maitauina e latou uma ua va'aia ana gaioiga i le fa'avaeina o le malō mo ona tagata. Ma o le fa'ataunu'uina lenei o lona finagalo, ona ua ia finagaloina o lona malō e tatau ona ausiaina ma fa'aatoaina; i le feagaiga tuai o le ausiaina o le finagalo o le Atua ua i ai, e lē gata i le lagona manino, o le fa'augaga fa'apitoa o le fa'ataunu'uina o ana fuafuaga o le fa'aolaitaga ma le toe fa'avaeina o le va feagai lelei a le tagata ma le Atua.

O le lona lua o fa'aupuga o le mana'oga vave a le tagata. Ua tu'uina e Mataio le fa'amamafaina fa'apitoa i le fa'amagaloga, ona sa ia fa'aopoopoina se fa'aupuga mai ia Iesu i le mataupu na soso'o mai i le tatalo. O le fa'amagaloga ua i ai se vaega tele i lona manatu i le va feagai ai i uso Kerisiano, ona e pulea le mataupu 18, le tu'u fa'atasia o fa'aupuga e uiga i va feagai ai fa'aleuso, taualuga i le poloa'iga e fa'amagaloga fa'afitu ni fitu, ma le fa'ata'oto fa'amata'u o le 'au'auna e lē alofa. A tatou tu'u fa'atasia talosaga mulimuli e lua o lo'o i ai se va'aiga o se fa'atusa i se taimi tele o le tofotofoga o taimi fa'alavelave mulimuli, o le tasi e tevolo i ni ana taumafaiga e taofia mai le fa'avaeina mulimuli o le malō. E ui o se fa'aeaea mai le Atua ina ia feagai atu ma le fa'amamāina ua maua mai se puapuagatia, e tatau iā i tatou ona 'aua le fa'afoligaina o lo'o tatou fa'afegai atu ma puapuagā; o lenei tatalo ua fa'aalia mai o lo'o fa'aletulafono ona mulimuli i fa'ata'ita'iga a Iesu i le tigā ina ua ia tatalo o lenā ipu o le a ave'ese atu ma ia...*fa'aauau pea...*

Aso Sa Tolusefulu—Tasi o le Tausaga

Na matuā ogaoga Iesu i le ta'uleagaina o ta'ita'i fa'alelotu a ona taimi ua lē savalia fa'ata'ita'iga lelei o le amio tonu. O le mea na ia faitioteleina ai le au Tusi upu ma le au Farasaio ona ua latou lē savalia mea ua latou tala'ia. Sa ia fa'aalia i latou o ni tagata tau fa'asesē, tagata ua lelei i le fa'atagāfai ma e naunau ina ia avatu uma iā i latou le va'aiga. O a latou tatalo u'umi ua na o ni fa'aaliga atu i fafo ona sa latou tu'ulafoaina mataupu ua sili o le fa'atuatua, faimeatonu ma le alofa. Nai lo lenā, ua leai se uiga ma 'o'ō, le pa'ia pe lelei fo'i. O a latou uiga ole olaga ua fa'asino lea i se fa'aaliga o le fa'atauva'a ma le fa'atāuina o latou lava ma e lē o fa'asino lea i le mamalu o le Atua. I se i'uga, o a latou tala'iga na ta'ita'ia sesē 'eseina ai tagata. Na āti le silasila a Keriso iā latou faiga fa'afoliga ma tu'ua'ia i latou i le pepelo mata'utia.

O se sesē mo i tatou le taufaifai i le āta lē ta'uleleia ale au Farasaio ua fa'aali mai e le evagelia. O le mea ua fai mai ai Iesu e taūa fo'i mo i tatou. E tele manatu lelei mo mafaufauga mo tagata uma ona i se isi va'aiga o tatou uma ua a'afia i le pepelo. E to'aitiiti lava nisi o tatou ua mafai ona fai mai o a tatou gaiōiga e masani ona talafeagai ma a tatou upu. Atonu tatou te lē pepelo tele e pei o le au Farasaio ae ua faigofie lava ona tatou faia ni uiga e fa'alafi ai a tatou fa'aletonu ma fa'afoliga mai e amio mamā. O le to'atele o tatou e lelei i le fa'aalia atu o foliga lelei i le laua'itele ma fa'aali se va'aiga 'ese mo a tatou lava aiga ma fa'auō. E le'i fiafia Keriso ile pepelo o so'o se ituaiga. O le fa'amaoni ma le mātalatala mai o le tagata sa lelei iā te ia. Sa lē fa'avaleaina e foliga va'ai ona sa ia mafai ona va'ai atu i le loloto o le loto a le tagata. Sa mana'o Iesu iā i latou sa mulimuli atu iā te ia e 'alo 'ese mai lea fa'aletonu ale au Farasaio ua ave'eseina ai le mana ma le uiga o le upu a le Atua.

O le evagelia o se lu'itau i tagata Kerisiano uma e uiga i le moni o a latou tapua'iga ma le molimau i la latou fa'atuatua. Afai tatou te ola ai i mea ua tatou folafola atu ona o nisi e mulimuli ia Keriso e tatau iā i tatou ona fa'amaoni i mea ua tatou ta'uta'u atua ma fa'atino mea ua tatou ta'uta'u atua. O tatou uma o lo'o i le a'afiaga mata'utia tumau o le lē ola ai i o tatou manatu. O nisi o tatou o lo'o i le va'aiga laua'itele ua talosagaina afai tatou te faia galuega lelei mo le mamalu o le Atua po le sa'ili o tatou lava lelei. Ua tatou sesē 'ese ma le ala pe fa'amuumua le sa'iliga o le fa'amuumua a le tagata i o tatou olaga. Ona o matua, o a lava le taufa'asa'oina o le fanau ua le lagonaina pe afai o a tatou fo'i amioga e gafatia ma a tatou gagana e leaga. Ona o gaiōiga e leo tele atu i lo upu e tatau iā i tatou ona tutusa a tatou amioga atu i fafo ma le moni mai totonu. I tulaga 'ese'ese uma o lenei olaga tatou te avatu le fa'ata'ita'iga ma o le mea lenā tatou te aumaia ai isi iā Keriso.

4

Aso Sa Tolusefulu – Lua o le Tausaga

O fa'ata'oto e lē faigofie e pei ona va'aia. E masani ona momoli mai ai ni uiga loloto ua mafai ona fa'aogā i le olaga i aso ta'itasi. I le mua'i fa'alogoia o lenei fa'ata'oto e uiga i le au taupou sa le a'afia i le fiafia ale fa'aipoipoiga ma na fa'amalosia ona lokaina i fafo i le pogisā, ma ua faigofie lava ona fa'amagaloina i tatou i le fa'atatau atu iā latou fa'auō atamamai, o ni vaega ua manatu fa'apito i le mumusu e fa'asoa a latou suā'u ma i latou. Iā tatou mafaufauga o le fa'asalaga i le tapunia o le faitoto'a o le faigā'ai a le fa'aipoipoiga i o latou foliga o le faiga ua ogaoga tele. I lona sili le leaga sa tatau ona a'oa'ia i latou mo lo latou fa'atatope i le taimi mulimuli. Ae ui i lea, o le tala a le evagelia e lē uiga i le galo ona aumai ni suā'u fa'aleoleo, ae o lona uiga pe fa'apefea ona tatou va'aia le vala'aulia ua aumai iā i tatou uma ina ia ave o tatou nofoaga i le malō o le Atua. Ua na o tatou e faitioina pe afai tatou te lē taunu'u pe lē o sauniuni pe a taunu'u mai le taimi. Ole sauniuni mamao ua sili atu lona taūa ma o se fa'atatope i le minute mulimuli e fa'atonutonu i tatou i se va'aiga lelei fa'aleagaga e lē fautuaina lea. Afai tatou te mauaina se fiafiaga e fa'avavau e tatau ona tatou sauniuni mo lea ma le loto atoa. O le ulufale atu i le faigā'ai o le olaga e fa'avavau e lē o se mea e maua fua. Ua a'oa'oina mai e Keriso lenei fa'ata'oto o se lapata'iga ona o le aso ale Ali'i o le a sau ma se fa'afuase'ia ma le fa'ate'ia e pei o le sau a le gaoi i le po.

I se auala tatau ma le uiga 'ese, ua tu'ufa'atasia e le ekalesia le fa'ai'uga o le tausaga fa'alelotu ma le masina o Novema. O laula'au ua pa'ū'ū, o le natura ua mou atu ma ua leai se tuputupu a'e. Ua taunu'u le tau malulū (i le itū i matū o le lalolagi). I se lalolagi o le lē mautonu e tasi le mea ua tatou mautinoa ai lava o le maliu. Ona tatou te lē mailoa le aso ma le itulā, o le fa'atulagaga lea e lē mafai

Aso Sa Tolusefulu - Lua o le Tausaga (fa'auaau pea)

ona tolopoina. O le tolopoina o le manatu i le maliu, tulei i tua atu o tatou mafaufau o se mea e feagai atu i ai i se taimi, o se ituaiga o fa'avalevalea na tu'ua'ia e Keriso i lenei evagelia. Afai tatou te ola ai ma leai se mafaufau po o fea la tatou faigamalaga o le olaga o lo'o aga'i i ai, ua tatou tu'ulafoaina ona faia ni sauniuniga 'autū mo le sau o le malō. O le maliu o le a taunu'u mai le fa'ate'ia ma le Atua o le a sau fa'afuase'ia i o tatou olaga. O le mauaina i tatou ua leai ni suā'u i totonu o tatou molī fa'aleagaga ma o le taunu'uga o se mala.

O se vaega taūa o le olaga Kerisiano o le sauniuni ma fa'ato'a se va feagai ma le Atua, o tatou ta'ito'atasi e tatau ona i ai, galue malosi i ai ma ola ai ona e lē mafai ona nonō mai le taimi mulimuli. Ua tatou faia lea i le fa'atuputupu a'e o se uiga mālū ma le fa'atuatua a o tatou aga'i atu iā tatou matafaioi masani. E leai se isi auala sili atu i le ausia o lenei i lo le fa'aogaina o na taimi avanoa o le aso e fa'asoa ai o tatou manatu, fuafuaga ma popolega fa'atasi ma Keriso, i tatalo, ta'u iā te ia mea o lo'o i o tatou mafaufau ma talosaga atu i ai e ta'ita'ia i tatou. E masani ona sauni Keriso e feiloa'i ma i tatou, o tatou, i la tatou fo'i vaega, e tatau ona sauniuni e feiloa'i atu ma ia. Na te lē aumaia se taimi fa'atulagaina ae ua sau e pei ona ia finagalo i ai i o tatou olaga. Ua aumai e le evagelia iā i tatou le taūa o le sauni ma le tapenapena a o fa'atalitali, i le alofa atu i le Atua ma o tatou tuā'oi. E lē tatau ona tatou ave le avanoa o le ola ai i lenei olaga i le itiiti o le pa'iaga. A sau le vala'au, o mea ua faitauina ma taulia o tulaga lelei o le tagata sa tatou fa'atuputupuina, e lē o le 'oa ua tatou mauaina po o le manuia sa tatou fa'apututupa. O le mataala e tatau ona ave ma poutū e ta'amilomilo ai o tatou tagata atoa ma le ola.

Aso Sa Tolusefulu – Tolu o le Tausaga

O lo'o i ai se vaega o tatou ua fa'ailoa fa'atasi mai ma le lē mautonu o le tagata ua fa'asalaina matuiā ona o lona paiē i le lē fa'aogaina o mealofa ale Atua. Ua afi'ina e ia o ia lava ma ona popolega patino iā te ia lava ua ia lē mafai ai ona feagai atu ma ana matafaioi. I le i'uga o ona aso ua leai se mea e fa'ailoa atu mo ona tausaga i lenei lalolagi ona sa le'i manuia i avanoa na sau iā te ia. O lona olaga e lē o se tala manuia ona sa ia leaga i le 'au'aunaga ale Atua ma fa'aali le leai o se naunautaiga mo le olaga Kerisiano. I le aso o le fa'amasinoga o le 'alofaga na tu'uina atu mo lona to'ilalo e vaivai i le va'aiga a le Ali'i ma e le'i māta'ina.

O lo'o tu'usa'o i le fa'amanatuina mai e le evagelia iā i tatou o le moni tu'u sa'o o mealofa ale Atua e lē o tatou e āna e tufatufa atu e pei ona tatou manana'o i ai. E lē fa'apea fo'i ua tele e fa'aputu 'ese atu, lē fa'aogaina pe tu'uina atu ina ia magumagu. Ona o tatou o Kerisiano o la tatou matafaioi o le fa'ailoa ma tala'i le malō o le Atua. Na sau Keriso e fesoasaoni i isi ma 'au'auna atu i isi ina ia ola i lona fa'atusa. O a lava a tatou mealofa, ma o tatou uma ua i ai le 'ese'esega, ua fa'amoemoeina i tatou ina ia fa'aogā 'atoatoa mo le mamalu o le Atua. O le vala'auina lenei ina ia fa'amalosi'auina i tatou e ola ai le evagelia.

O le fe'au i lenei fa'ata'oto o le faia ia tele i lenei olaga, ia faia ma le lelei ma le fiafia, i le 'a'apa atu i tua atu o tatou lava lalolagi manatu fa'apito ma tauave le tulaga lamatia o le fa'asoa o se mea o tatou lava ma isi. E ao ona manatuaina o taimi ua tatou iloina le fiafia moni ma le loto malie moni e masani o taimi ua mauaina i tatou i le olioli moni ma le fa'amalieina atoatoa i le tausaga o latou ua i ai le mana'omia ma le lagolagosua i ni mafua'aga tatau. I se manatu moni ua tatou latalata i le Atua o le a tatou fesoasaoni atili i le fa'ateleina o lona malō i le lalolagi nei iā tatou galuega.

O le lē fa'aogaina o a tatou taleni e mafai ona mafua mai i le vaivai o le manatu ifo ua fa'avae i le talitonuga e leai se mea ua mafai ona tatou ofoina atu. O tigā ma vevesi ua sau mai le fa'anoanoa, ma faiga masani o le fa'ataluā i le fa'afaiileina o se aiga, galue i le umukuka ma mauaina se totogi i aso ta'itasi atonu e lē aumaia se fa'amalieina atoatoa fa'aletagata pe faia se fa'atomuaga mata'utia ae e lē mou atu ai le faigā taulaga o lo'o a'afia ai. O le a tauia i tatou e le Ali'i mo le faia o a tatou matafaioi ma le fa'amaoni i nei mataupu. O le gaoiga masani o le alofa ua ofoina atu mo le lelei o isi atonu e lē va'aia e tele ae ua sili lona taūa i le silafaga ale Atua.

E to'aitiiti nisi o tatou o le a mauaina le avanoa o le faia o le māta'ina, ae 'aua nei fa'agaloina o le a tatou manatuaina i tatou ona o a tatou gaoiga o le amio lelei i aso ta'itasi ma le agalelei ua tatou va'aia e lē o se mea fa'apitoa. O galuega masani, a faia ma le fiafia ma le loto malie, ua fesoasaoni i

Aso Sa Tolusefulu—Tolu o le Tausaga (fa'auau mai le pasina ua tuana'i)

le alofa ole Atua ia va'aia i tulimanu pogisā o le olaga. O a tatou fuafuaga e tatau o le faia ia lelei so'o se galuega ua tatou faia, 'alo 'ese mai le lē fa'alogo ma se uiga lē popole. I lenei auala ua mafai ai ona tatou toe fa'afo'i atu i le Tamā le ola ua aumai iā i tatou, ua sili atu lona fa'atumutumuina ma sili atu lona fa'aoloaina.

Lo Tatou Ali'i o Iesu Keriso le Tupu Aoa

O le sulufaga o Iesu le Tupu ua aumai ai le tausaga fa'alelotu i lona fa'ai'uga ma aumai ai se fa'amanatuga o le ta'amilosaga o a tatou fo'i olaga i lenei lalolagi o le a taunu'u i lona taunu'uga. O le i'uga o le tausaga o le taimi mo le iloilo ma ua tatou gafatia ai se avanoa e va'ava'ai ai iā tatou amioga o ni tagata o le aiga o le Atua. Ua fa'ailoa mai e le evagelia ma le malosi lenā ulufale atu i lo tatou aiga e fa'avavau e fa'amoemoe i taumafaiga ua tatou faia e fesoasasoni atu ma fa'amafanafana iā i latou ua iai le mana'omia. O le a mautinoa se nofoaga mo i tatou i le malō a Keriso pe a tatou faia lelei i latou e pei ona faia e Keriso. O se evagelia lu'itau lenei ua tauavea se taūa uiga 'ese a o ia fa'ailoa mai se va'aiga malosi tele o le fa'amasinoina ma tu'uina mai iā i tatou se fa'ailoa matua'i malosi o le 'au ai po o le te'ea o Keriso. E leai se va ogatotonu. E leai ma se isi o tatou e mafai ona tomanatu i ai e aunoa ma va'aia o tulaga o tatou olaga o lo'o mana'omia ai suiga ma le fa'aleleia atili.

O mea o lo'o fa'amamafa mai e le ekalesia o le taūa o le liliuina o tatou olaga ma loto iā Keriso ma fa'atuatua ana a'oa'oga, a leai o le a tatou ulufale atu i le te'ea. O le a fa'amasinoina i tatou e le Atua i galuega o le alofa ua tatou faia o la tatou tali atu lea i le mana'oga a le tagata. E tasi le mea ua mautinoa – e leai ni 'alofaga e talia i le aso mulimuli. E leai se isi e avatua i ai le matagofie o le lē faia o le agasala ile fai mai: 'Sa faia lava a'u mea e tatau ma e le'i a'afia ai lava nisi. Sa ou ui ane i le isi itū o le auala.' O le a lē fa'asesēina le Atua i va'aiga. E lē va'ai se isi mea ua na o le loto o le tagata, o le mea lea o fa'afoliga uma ole a soloia 'ese, o pepelo uma o le a fa'aalia ma o tatou tagata moni ua aumai i le malamalama. I se va'aiga o le maitauina i tatou o āna uō, po o le te'ea o ni tagata 'ese.

6

A o tu'uina mai le lalolagi o lo'o si'osi'omia ai i tatou i o tatou lima ma le fa'atuatua ma le mea tausi, ua fa'ata'oto e le fa'akerisiano se fa'amamafa i le a'afiaga i fa'apotopotoga. O lo'o savalia pea lava e Iesu le lalolagi i le va'aiga i o tatou tuā'oi o lo'o puapuagatia ma o lo'o i ai se mana'omia. O a tatou fa'aletonu o ni tagata ua tatou lē maitauina lenei faiga. Ua ia tu'uina maia i le va'aiga i lenā i le afiafi o le ola o le a fa'amasinoina i tatou i luga o le alofa ua tatou fa'ailoaina atu ma galuega laiti o le alofa sa tatou faia. E masani o se upu o le fa'amalosi'au, o se maitauina itiiti po o se 'ata fa'aleuō ua sili atu lona uiga i le taga mativa i lo mea'ai, lavalava po o fa'apaologa, a o latou tauave le mafanafana o le taliaina ma faia i latou ua lagoina le fa'ataūaina. Ua avea Keriso ma moni atoatoa i tagata o lo'o si'osi'omia ai i tatou pe afai tatou te pa'i atu ma fa'ailoa atu le manatu mo a latou lelei ma taumauga i tatou i le fa'afailleina o latou tamali'i'aga. O le ā le lelei po o le leaga ua tatou faia i isi ua faia lea iā Iesu. O lo'o pulea e Keriso o tatou loto ma le lalolagi o lo'o si'osi'omia ai i tatou pe a tatou avatu o tatou taimi, malosi ma le alofa i le fa'atinoina o gaoiga o mea fai a le alofa.

O Le Fafine Samaria i le Vai'eli - O le toe asia o le Aualatele 61

O se Ali'i e suafa ia Tavita Fincham na tomanatu i taimi ma nofoaga ua tatou feiloa'i atu ai iā Iesu ma pe na fa'apefea i na poto masani ona fa'aoloaina i tatou i le fa'aleagaga.

I le amataga o le pese a se ali'i ta'uta'ua – Aualatele 61 o lo'o fa'asino Bob Dylan i le tala o le avea o Isa'ako e fai ai le taulaga i le Atua. I le fa'ai'uga o le pese ua tatou fa'alogo ai i upu na fa'apea atu ai Apera'amo, 'O fea e te mana'o e fa'ataunu'u ai lenei faigā taulaga?' Fai mai le Atua, 'I luga o le Auala 61.'

Atonu e tu'ualā; atonu e fa'atausuaa'i; atonu o se fa'atinoga a'ia'i ma le fa'aaliga o le fa'atinoina o tala fa'atusi pa'ia (Kenese 22: 1 – 9) o upu a le pese ua toe tolaulau mai ai le fa'atonuga ale Atua e tatau iā Apera'amo ona faitaulaga i lona atali'i, o Isa'ako. I le amataga sa usita'ia e Apera'amo ma le

O Le Fafine Samaria i le Vai'eli

musuā, ae ina ua agai atu e fa'ataunu'u, na suia le finagalo o le Atua ma tau'i atu Apera'amo i le lē taliaina o le faigataulaga. I lona a'afiaga, sa tofotofoina le fa'atuatua a Apera'amo. I se tali atu i le usita'i a Apera'amo, na folafolaina atu e le Atua le fa'amanuiaga o Apera'amo fa'atasi ai ma ona su-li.

E aogā fo'i le mafaufauina ana lē fa'asaoina e le Atua Isa'ako mai lona maliu la'itiiti, se manū e lē maua mai lona atali'i o Iakopo. I tulaga ia se manū tatou te lē mauaina tala e pei o le tala iā Iakopo, e pei o le tala i le feiloa'iga a Iesu ma le fafine Samaria i le vai'eli a Iakopo latalata i le nofoaga pa'ia na tu'uina atu e Iakopo i lona atali'i o Iosefo. O ni taunu'uga fa'apenei e le'i mafaufauina o tatou o ni tagata ua faigatā ona malamalamaina pe fa'amatalaina fo'i.

E taūa fo'i o luga o le Aualatele 61, ua tatou taunu'u ai i auala felavasa'i ma e pei o isi auala felavasa'i – moni pe o ni fa'aupuga – o lē o lo'o faimalaga ua feagai atu ma se filifiliga. E pei ona ta'ua e se tasi o ali'i tusi tala o se 'Auala e lē Uia':

E lua auala 'ese'ese i se togavao lanu samasama
ma e fa'amalie atu e lē mafai ona uia uma le lua,
Ma o se faigamalaga e to'atasi, e umi ona tūtū.

I lenei auala fa'alava, o lo'o i ai se filifiliga, se fa'ai'uga e tataua ona faia. O mea ua tula'i mai o se feiloa'iga fa'afuse'ia ua maua i ai se gafatia e tatala atu ai i se va'aiga fou po o se malamalama'aga ma se va'ai, aemaise lava pe afai e tupu i se nofoaga pa'ia. O le feiloa'iga a Iesu ma le fafine Samaria i le auala felavasa'i i le vaieli a Ioakopo e lē itiiti lona taūa.

Ua talanoa Iesu ma le fafine Samaria.

O le feiloa'iga e le'i fuafuaina i le va o Iesu ma le fafine Samaria na tupu i le auala felavasa'i i le vai'eli a Iakopo (Ioane 4: 4 – 26), ua avea ma fa'ailoga o se taimi na suia ai le olaga o lenei fafine. Ua tu'uina atu iā te ia se lu'itau ma se avanoa e faia ai se filifiliga. O le tala i le feiloa'iga a Iesu ma lenei fafine Samaria e leai se igoa i le vai'eli a Ioakopo, ua na o le Evégalia a Ioane ua fa'amaumau ai, e lē gata e tulaga 'ese ma, i taimi, e fa'alavelave, ua ta'ita'ia i se fa'aliga, o lo'o maua i ai le moni malosi ma lesona mo tatou i le asō.

O le mea na tupu na amata ina toe fo'i mai Iesu ma ona so'o mai le latou malaga atu i Iutaia, ma o lo'o aga'i atu i Kalilaia. A o i le auala, sa latou pasia le pitonu'u o Samaria. E taūa le manatuaina o tagata Samaria, sa va'aia e nisi o le au Iutaia o ni tagata mai nu'u 'ese. E mulimuli lava, o le au Iutaia e masani ona lē amana'iaina ma inoino iā i latou. E ui o nei kulupu e lua e fa'asoa ma masani i le anoanoa'i o talitonuga, a o uiga ale au Iutaia i le au Samaria e o'o lava i le tete'e atu i ai ma le inosia.

O lenei tala mai le Evégalia a Ioane ua fa'amatala maia se feiloa'iga ofoofogia. Ua aumai ai fo'i se tusitusiga o se talanoaga e lē masani ai, ua tata'ia aga'i i se tele o fa'amatalaga. Ua amata ia Iesu ile taunu'u atu i se vai'eli i se nofoaga faitele i le aoauli o se tagata malaga ua lelavā, vaivai ma le fia inu. Ae mulimuli ane o se fafine Samaria ua aga'i atu i le vai 'elie asu vai. Na fa'ate'ia le feiloa'i atu ia Iesu i'ina. Se'ia o tatou mafaufau i ona manatu ina ua taunu'u atu i le vai'eli ua muamua atu i ai se tagata 'ese Iutaia.

E lē gata o le au Iutaia e lē mafuta atu i le au Samaria, ae o se feiloa'iga i le va o se ali'i Iutaia ma se fafine Samaria i lenā taimi o le a va'aia e lē talafeagai ma tu masani. Sa va'aia e lē taliaina fa'asosaiete mo ali'i e talanoa atu i fafine i fafo atu ole si'osi'omaga o a latou aiga i nofoaga faitele. O le feiloa'iga la lea na talepe ai tapu masani: O Iutaia sa lē tataua ona feiloa'i atu ma Samaria, ma o ali'i ma tama'ita'i e lē masani ona feiloa'i atu le tasi i le isi i fafo atu o a latou lalolagi tu'ufua. Ua ta'u mai fo'i iā i tatou ina ua fo'i mai so'o a Iesu o latou fo'i na fa'ate'ia ina ua va'ai atu iā Iesu o lo'o talanoa i se fafine – atonu ua latou fa'aaloalo tele po ua fa'aeteete e fesili atu: ... e leai se isi o latou na fesili atu, "Pe se ā se mea e te mana'o ai? po "O le ā le mea ua e talanoa ai ma ia?" (Ioane 4: 27).

O se feiloa'iga i le va o se ali'i Iutaia ma se fafine Samaria e lē gata e lē masani ai, ae fa'apea o se fa'afitauli, ae maise ona ua aumaia ai i le mafaufau le gafatia i le fa'amau a Isa'ako ma Repeka (Kenese 24: 1 – 67) ma o Iakopo ma Rasela (Kenese 29: 9 – 11) na tutupu uma nei faiga i le vai'eli. O lenei feiloa'iga e le'i va'aia o se fa'amau i se faiga ua masani ai. Ae i le tulaga fa'aleagaga, na fu-

O Le Fafine Samaria i le Vai'eli (fa'auaua pea)

afuaina e avea ma se fa'amau taūa tele.

E le gata i lea, o le fafine e le gata i le va'aiga a Iutai o se Samaria, ua itagia e latou o se tagata 'ese, ae ua tatou iloaina fo'i o se tagata fa'ate'aeseina e ona ia lava tagata. Na fa'amaonia ua maliu lana tane ae o lenei ua faia ni fa'apouliuli ma o le ono ai lea o ali'i o lo'o faia nei faiga. O le ta'ufa'atauva'aina ma fa'aleagaina o ia ona o lenei. O le isi mea e uiga 'ese ai lenei tulaga o le va'aia e lē talafeagai mo se fafine e va'aia to'atasi i nofoaga faitele ile aoauli; e masani lava o fafine o le nu'u ua o mai na ole asuina o vai mai le vai'eli i le vaveao po o le afiafi ua pogisā. I le fa'ate'aina e ona lava tagata, e ui i lea, o le a fa'amalosia o ia e alu atu na o ia e asu vai mai le vai'eli i le aoauli. Ae ua manino mai e lē popole Iesu mo nisi o matagofie aulelei fa'aonaponei ma agafeso'ota'iga fa'atatau i le talanoaga ma se fafine Samaria fa'ate'aina.

O le i'uga lava, a o fa'asolosolo le tala, o uiga masani ua suia. O Iesu lava na amataina le fa'atalanoaga ma le fafine i le fai atu iā te ia: “Aumai ia iā te a'u, se'i 'ou inu”. O le tali fa'ate'ia a le fafine Samaria ua tosiga atu ai le va'ai i le tulaga tatau o le mea ua faia e Iesu, ua fai atu sa'o: “Pe fa'apefea ona e fai mai i se mea e inu iā te a'u, o le fafine o Samaria, a o oe o le Iutaia?” (Ioane 4: 9).

Ae e le'i fa'avaivai ai i lenei fa'aupuga e pei o lo'o otegia mai, na fa'auau lava e Iesu lona talanoa atu i se fa'atalanoaga umi ma le fafine. Ioe, o lenei faitauga ua aumai ai se talanoaga umi tele sa faia e Iesu ma se fafine i Evagelia uma e fa. Sa ia fai mai:

Ana e iloa le mea foa'i fua ale Atua, ma lē ua fai atu iā te oe, “Aumai iā te a'u se'i 'ou inu; pe ua e ole mai iā te ia, ona foa'i atu lea e ia iā te oe o le vaiola (Ioane 4: 10).

E le gata e le'i fa'afefeteina o ia i lenei mea ua tupu, ae sa tumu i le loto tele i lana tali: “E sili 'ea 'oe i lo matou tamā o Iakopo, na tu'u mai e ia iā te i matou le vai'eli, ua inu ai fo'i o ia, ma lana fanau, ma ana manu?” (Ioane 4: 12).

8

Ae na tali atu Iesu ma le mālū e fa'apea “O lē inu i lenei vai e toe fia inu o ia. A o lē e inu i le vai ou te avatua iā te ia, e lē toe fia inu o ia e fa'avavau; a o le vai ou te avatu iā te ia, e avea i totonu iā te ia o le vaipuna, e puna i luga i le ola e fa'avavau” (Ioane 4: 13 – 14).

Ona ia fa'aopoopo lea e fa'apea: “Tou te tapua'i ma le leiloa; a ua matou tapua'i ma le iloa, auā mai iā Iutaia le fa'aolataga. Ae o'o mai ona aso, ua o'o nei fo'i i ai o ē tapua'i fa'amaoni latou te tapua'i i le Tamā i le agaga ma le fa'amaoni auā o lo'o sa'ili le Tamā i ē tapua'i fa'apenā iā te ia” (Ioane 4: 22 – 23).

I le fa'atalanoaina ai o le uiga moni o tapua'iga ma Iesu, na fa'aalia ai e le fafine le iloatino uiga 'ese fa'atelosia. O ona manatu, ‘Ua ou iloa o lenā Mesia – o Keriso lea – o le a maliu mai. Pe a maliu mai o ia, e fa'aailoa mai mea uma iā te i matou’ (Ioane 4: 25).

I le fa'apea mai ‘O a'u lenei’, ua folafola mai e Iesu lona mamana, fa'atatau i le fa'aaliga ale Atua iā Mose i le Feagaiga Tuai.

O le taūa o lenei feiloa'iga na tau amata ai ona ātaāta mai i le fafine. Fa'amaonia o ia o se tagata fa'atuatua moni, i lenei so'oga, o le vai'eli ua foliga mai ua tauaveina le tulaga o se vai mo papatisoga. E le pei o le rafi masalosalo o Nikotemo o lē i le mataupu na muamua atu a le Evagelia a Ioane, sa tuliloa ma le lē fiafia Iesu i le po, ae sa feiloa'i atu lenei fafine i le ao teatea ma maitauina lelei a'afiaga o fa'amatalaga. Ua ia iloaina a tatou ola ai ma sa'ili ina ia fa'amalieina o tatou fa'anaunauga fa'alalolagi nei, o le a i ai ni a'afiaga taufa'aleaga i o tatou olaga fa'aleagaga. O le isi va'aiga uiga 'ese e uiga i lenei feiloa'iga na tele atu tala na tautala ai le fafine Samaria i lo o Iesu.

I le va'aiga i lenei feiloa'iga liua, o le fafine Samaria na fa'aanu'ua ua avea e le gata o le tasi ua fa'atuatua ma avea ma so'o a Iesu ae fa'apea o se fa'aevageliaina. I le toe fo'i atu i ona tagata, na folafola atu e le fafine: “Inā o mai ia; inā va'ai i le tagata ua ta'u mai e ia iā te a'u o mea uma lava ua ou faia” (Ioane 4: 29). Ua ia fa'apea mai fo'i o latou e vivi'i i le Atua o le a vivi'i iā te ia ma le lē masalosalo i le agaga ma le moni. Ua ta'u maia e Ioane iā i tatou e 'to'atele Samaria i lea 'a'ai na fa'atuatua iā te ia, ona o le upu a le fafine na ia fai atu ai (Ioane 4: 39). O a tatou molimau, o tatou fa'atuatua fo'i o ni uiga malolosi ia e ta'ita'ia ai isi e talitonu iā Iesu.

Ua o mai fo'i tagata o Samaria iā te ia, ona latou

Sauniuni atu e tala'i Mareko

taimi. O nei taimi e lua na a'afia ai le ola ma le maliu, ae i ni auala ofoofogia e 'ese'ese.

O le tulaga muamua na tupu a'e ina ua vala'auina e Herota Anitipa le to'atele o tagata mau'oa ma le fa'atosina i se talisuaga tele (Mareko 6: 21 – 29). O Salome le tama teine a Herotia, ua siva mo le tupu ma ana malō vala'aulia. Ua fiafia tele Herota ile fa'afiafiaga a lenei teine na folafola atu e avatu iā te ia so'o se mea e mana'o ai. Na alu Salome i lona tinā ma fai atu i ai: O le a se mea ou te fai atu i le tupu?' Na tali mai Herotia: o le ulu a Ioane le Papatiso.' E lē o se talanoaga umi a nei fafine e to'alua, Saloma ma lona tinā o Herotia ina ua talanoa. O le i'uga na fesili atu Salome ile Tupu o Herota mo se mea ua sili le mata'utia: o le ulu o Ioane le papatiso i se tanoa. O le taimi muamua lenei i le Evagelia a Mareko ua tatou feiloa'i atu ai i ni fafine o talanoa fa'atasi.

O le taimi lona lua na tupu i se taimi mulimuli mai i le Evagelia, i le mataupu mulimuli. I le taeao o le Aso Sa muamua o le Eseta e to'atolu fafine, Maria Matalena, Maria le tinā o Iakopo ma le isi fafine o Salome fo'i lona igoa na o atu i le tu'ugamau le mea na teu ai Iesu. Ua latou aumaia mea manogi e fa'asuā'u ai le tino ma fa'amae'a ai le tanuina. I le auala atu i le tu'ugamau sa latou tu'ufesili iā i latou lava ma le popole: "O ai 'ea sē na te fuli'eseina le ma'a mo i tatou i le gutu o le tu'ugamau?" (Mareka 16: 3). Na fa'ate'ia i latou ina ua tuanu'u atu ua uma ona fuli'eseina le ma'a ua matala le tu'ugamau ma ua leai se isi o i ai, ma ua fa'alogoia le fe'au mai se agelu: 'ua toe tu o ia. E lē o i'inei, inā matamata ia i le mea na latou tu'uina ai o ia' (Mareko 16: 6).

Ina ua talatalanoa nei fafine i le taeao o le Aso Sa o le Eseta, ua 'ese tele mai mea ua tatou faitau ai mai le Mataupu 6 a le Evagelia a Mareko. O i'inā o Herotia ma lana tama teine na talanoa i se tasi o afiafi pogisā, ina ua alu atu le malamalama o le lagi. I le malu o le po sa la'ua taupulepule ai ma fa'atino ai le maliu sauā a Ioane le Papatiso. I le pogisā o la la'ua talanoaga na ta'ita'ia i se pagotā pa'ia na ave'eseina lona ulu i le falepuipui. Ae ina ua talanoa Maria Matalena ma ana fa'auō e to'alua i le tasi o taeao, sa latou fa'afuase'ia ona feagai atu ma se fe'au uiga 'ese o le olaga, le toetū ma le ola fou ma le mamalu a Iesu. O nei fafine e to'atolu ua fa'amanatu maia iā i tatou le filifiliga mata'ina ua feagai ma i tatou uma: i le va o le maliu ma le ola. O le tupu o Herota, o lona to'alua o Herotia ma lana tama o Saloma ua fa'aalia mai iā i tatou mea ua ofoina mai e tagata leaga ma le malosi: ua na o le pogisā o le po ma le oti. O Maria Matalena ma ana uō e to'alua o fa'ailoga nei o se mea ua 'ese atoatoa. A o fa'asolosolo mai le malamalama o le taeao fou o le mafanafana ua fa'asusulu atoa ai le lagi, ua aumai ai se ola, fou, olaga mamalu i'inei ma le i'uga.

O le fa'amaloloina o fafine e to'alua

Ua ta'u maia e le Evagelia a Mareko se tala i fafine e to'alua na fa'amaloloina e Iesu: le tasi, o se fafine matua sa puapuaga mai le puna toto mo le sefululua tausaga, ma le isi, o se teineitiiti e sefululua tausaga na ma'i ma maliu ai (Mareko 5: 21 – 43). Ona o lona puna toto, o lenei fafine sa va'aia e le tulafono Iutaia o se lē mamā mo le olaga e tumau. Sa va'aia o se fa'atauva'a ma sa fa'ate'aina e le sosaiete ma le fa'alelotu, o se ituaiga o fa'ate'aina e lana fa'apotopotoga. O le teineitiiti sa mafatia i se maliu fa'aletino. Sa vavae'ese mai lona aiga ma uō ina ua ma'i ona maliu ai lea. Mo nei tama'ita'i e to'alua na sau Iesu i lea taimi ma faia ni suiaga mata'utia, se tulaga uiga'ese mo i la'ua nei.

I le fa'amaloloina o lana ma'itoto, na toe fa'afoia mai e Iesu le fafine mai lona maliu fa'alesosaiete ma le fa'alelotu. Ona ia toe tu'uina atu lea o le teine talavou i lona aiga ma uō i lona toe fa'atuina mai o ia mai le oti. Ua ta'u maia e Mareko iā i tatou le igoa o le tamā ale teine, o Iairo, ae lē ta'u maia le igoa ole teineitiiti po o le fafine. I le tala a Mareko o i la'ua nei ua lē ta'ua. Ae o la olaga ua toe fa'aolaina mai le filemū ma le lē fa'aioaina o igoa. I le lalolagi atoa, i lea tausaga ma lea tausaga, o latou ua fa'asoa ile Eukalisitia ua fa'alogi i nei fafine e to'alua. Ua manatuaina i la'ua ma fa'apelepeleina, ona i se tasi o aso o la'ua uma na feiloa'i atu iā Iesu, le tasi i luma atu o le isi, ma o la olaga na suia e fa'avavau.

O le tasi o i la'ua na feiloa'i atu iā Iesu auā na alu atu ma sa'ili iā Iesu ma pa'i atu i lona ofu. O le isi sa ma'i tele e le'i mafai ona tu'ua lona moega. O lona tamā na alu atu e sa'ili Iesu, ma na sau i ai Iesu. E lē afaina tele pe na fa'apefea e nei tama'ita'i e toalua ona feiloa'i atu iā Iesu. O le mea ta'ua na la feiloa'i atu iā Iesu ma na suia e Iesu o la olaga. Lua afe tausaga mulimuli mai ai ua toe manatuaina i la'ua ina ua faitauina e Kerisiano Evagelia ma patipatia le Eukalisitia.

E i ai fafine ua faitauina ma fa'alogi i nei faitauga mai iā Mareko o lo'o puapuagatia, e pei o le fafine

Sauniuni atu e tala'i Mareko

muamua i lana tala e ma'i i le puna toto. E leai ma se isi ua faitau pe fa'alogo i lenei faitauga o le maliu ma ta'oto fa'aloaloa e pei o le teneititi e sefulua tausaga. Ae i se isi va'aiga, o ali'i ma tama'ita'i, e mama'i ma fa'anaunau mo Iesu ma lana pa'i fa'amalolōina. O lo'o i ai pea lava le fa'amaloloina o le au mama'i ma tulaga pagātia, ma ua suia ai o tatou olaga e fa'avavau. E lē afaina tele pe fa'apefea ona tatou feiloa'i atu iā te ia. O le mea taūa *ia tatou feiloa'i atu i ai* ma ia tupu lenei i lea aso ma lea aso. O le feiloa'i so'o atu i ai e suia ai o tatou olaga. E i ai pea Iesu mo tatou – e fa'amaloloina ma laveaina i tatou mai ituaiga o maliu ua a'afia ai i tatou. O ia o la tatou fa'amalologa moni ma la tatou fa'auō tumau.

Rafaelu ma le fafine mativa ua oti lana tane.

Mo le vaiaso lona iva o le tausaga muamua i taimi masani, o le Evagelia a Mareko ua feso'ota'i ma faitauga mai le Tusi a Topita. O lenā feso'ota'iga ua taunu'u i se taimi i le aso To'ona'i, ina ua muamua mai mataupu mai Topita 12 iā Mareko 12: 38 – 44. O faitauga muamua o lenā vaiaso ua aumai, mai le tala olaola a si aiga Iutaia fa'atuatua fa'amaoni na ola ile fa'aunu'ua. O faitauga mulimuli (aso To'ona'i) ua fa'amatala ai le fo'i mai i le aiga o le atali'i a Topita. O se va'aiga i ni mea na alu alu lelei ua fa'ai'u lelei. I le mae'a ai o se feiloa'iga ma se i'uga lapo'a mata'utia ma se temoni ulavale, o le Topito talavou ua toe fo'i atu ma le saogalemū ma lana pa'aga, o Sara ma le anoanoa'i o le 'oa. E lē gata i lea, o le fa'auō a Topita, o le agelu o Rafaelu ua faia ni fa'afoliga e natia ai o ia, na avatua i ai ni totoga mai se i'a. I le taunu'u atu, i le oloina o na totoga i mata a lona tamā, na fa'amaloloina e Topita le toea'ina mai lona tauaso. Na fa'afetaia tele e Topita ma lona tamā lenei tagata faimalaga misitelio. Sa la manana'o e avatu i ai se mealofa tele, le afa o le 'oa na aumai e Topita i lona aiga. Ae o Rafaelu sa lē taliaina lenā tau. Sa ia avatu iā i la'ua ni fautuaga e uiga i le ola fa'apa'iaina, fa'aalia lona fa'asinomaga moni o le agelu, ma toe fo'i atu ai i lona aiga i le Atua. I le fatu o a'oa'oga a Rafaelu o le fautuaga e fa'afetaia le Atua ma faia le lelei i le avatu o mealofa: E lelei le tatalo 'atoa ma le anapogi; e sili fo'i le fai mealofa i le teu o fa'aputuga 'auro; auā o le fai mealofa e lavea'ina ai le tagata a'i le oti, e fa'amamāina a'i fo'i o agasala, e maua mai a'i fo'i le agaalofo ma le ola e fa'avavau (Topita 12:8 9).

Ua talanoa fa'alau'itele Rafaelu e uiga i le taūa o le lima foa'i. Mareko 12 ua aumaia iā i tatou se fa'ata'ita'iga mata'iga o le lima foa'i, se fa'ata'ita'iga ua atagia mai na sa'o mai se mea na tupu i le soifuaga a Iesu. Le tasi aso i le Malumalu, na va'ava'ai atu Iesu i ni tagata tū lelei sa faia ni lafoga tetele. Ona ia va'aia lea o se fafine ua oti lana tane ua faia se lafoga itiiti mo le tausia o le Malumalu: e lua nai tupe siliva laiti, ua tutusa ma le sene i aso nei.

Tatou te lē iloaina le igoa o lenei fafine po se fa'amatalaga e uiga i loga olaga ma lana tane ua maliu. Ae ua tatou talanoa ai i le asō ona o se mea matagofie na fa'aali e Iesu e uiga iā te ia: e moni ou te fai atu iā te outou, o mea a lenā fafine mativa ua oti lana tane ua lafo i le mea e teu ai tupe, ua sili ia iā i latou uma na lafo i ai. Auā o i latou uma, ua latou lafo nisi mea mai a latou mea ua tele, a o ia ua mativa ua ia lafo ana mea uma sa iā te ia, o ana mea uma e ola ai" (Mareko 12: 43 – 44).

Atonu e manatu se tasi e mafai ona fai atu Iesu i suli o palipene ma a latou tagi mo tupe alu. Aemaise, o le a se mea o le a ia talanoa mai ai e uiga i le suli o palemene e fai lafoga i se su'egatupe e sefulu talā ona taumafai lea e toe talosaga lea e toe fa'aola mai? Ae o Iesu e le'i i se pisinisi o le tu'ua'ia e uiga i le fai lafoga ma isi ituaiga o lima foa'i. Na te le'i tu'ua'ia le au maumea sa faia ni lafoga tetele mai le anoanoa'i o a latou 'oa. Ae sa ia vivi'i le fafine fia ola ua maliu le to'alua, sa naunau e avatu i le Atua o mea uma ua iā te ia. O se gaiogai ofoofogia lenei o le agalelei mai se tagata ua matuā mativa tele. Ae e le'i tutasi na o ia.

O faitauga mai Topita o se molimau i se va'aiga tele o le alofa na sau mai i tagata e to'alua ua lē toe mātitiva. Ona o le anoanoa'i o pēlega sa ia mauaina, o Topita ma lona tamā o Topi ma la aiga ua tu lelei nei. Ae ui i lea, o se va'aiga maoa'e o le agalelei mai le latou itū ina ua latou ofoina atu se mealofa tele iā Rafaelu, le afa o pēlega na sau ma Topita i le latou aiga.

Faitauga mo le Masina o Novema – 2023

Aso 5 Novema Aso Sa 31 Taimi Masani: Faitauga muamua – Malaki 1: 14; 2: 2, 8 – 10. Matua: Ua outou o ‘ese i le ala, ma outou fa’atausua’i i e to’atele.

Salamo 131: 1 (tali), 2 (tali), 3 (tali). Tali: Le Ali’i e, o oe lava ou te ffilemu ai.

Faitauga lona lua – 1 Tesalonia 2: 7 – 9, 13. Matua: Na matou mana’o i le fia avatu iā te outou e lē na o le tala lelei, a o matou ola fo’i.

Aleluia, Aleluia...Ia outou mataala, auā tou te lē iloa po o le fea aso e sau ai lo outou Ali’i...Aleluia.

Evagelia – Mataio 23: 1 – 12. Matua: Ua latou fai atu, ae latou te le’i faia.

Tofitofiga o le Upu:

Mai le Evagelia o le asō ua fa’ate’ia i tatou i se fa’amatalaga a Iesu e uiga i se fa’amatalaga mai se tasi o latou e taupā masani, le au Farasaio. E ui e le’i fa’amaonia e Iesu a latou gaioiga – sa’ili le mamalu ma le taūa ma suafa maualuga ma tu’uina atu ni avega mamafa i isi – sa fai atu lava i ona so’o e mulimulita’i a latou a’oa’oga ona o latou o ni suli moni a Mose. Na fa’aaloaloina e le Ali’i o latou tulaga o ni faia’oga fa’alelotu ma lagolagosua a latou aiā tatau e a’oa’o atu ai ma ia usita’ia, e ui sa latou lē faia mea sa latou a’oa’oina atu.

Atonu tatou te lē fa’amaonia amioga fa’aletagata a nisi i tofiga pule, ae afai ua latou u’uina ni tofiga fa’aletulafono ua iā i latou le noataga e fa’aaloalogia ai a latou tofiga. O ai ua fa’amaoni a’ia’i i upu ma amioga i taimi uma o le olaga? Afai ua mafai e Iesu ona fa’aalia maia lenā fa’apalepale alofa i le au Farasaio fa’aso’isā ma le fa’aita tagata e seāseā fa’afetauia a latou upu ma amioga, e lē mafai ona tatou mauaina se malamalama’aga i fa’aletonu a isi? Na o’o lava iā Sagato Paulo sa iloina le mea sa tatau ona ia faia ae masani sa faia le isi ona sa vaivai – ae sa ia fa’aauau pea ona vala’uina isi i lenā lelei atoatoa o ia fo’i sa lē mafaia ona mauaina.

O mātua, mo se fa’ata’ita’iga, o le a fa’asāina a latou fanau mai le ulaula ma le inu o le ‘ava malosi, ae o latou fo’i o lo’o ulaula ma e malosi fo’i le inu ‘ava malosi. O iai la se uiga o fanau e lē o i ai se noataga e usita’ia o latou matua? E tatau ona fa’aaloalogia ma usita’ia i latou. Sa fautuaina e Iesu le usita’ia i mea ua fai mai ai mātua, ae lē o mea ua latou faia. O mātua, e pei o le au Farasaio, e lē o mulimulita’i iā latou fo’i fautuaga – ae e lē fa’apea ai la o a latou fautuaga e leaga.

O se tagata o lo’o alu i se palota mo se ofisa fa’alemalō a tonu o se tasi e lē talitonu i le Atua, ma i lenā va’aiga ua tatou te’ea ai o ia. I le faia fa’apea, atonu ua tatou fa’ate’aina le atunu’u mai se ta’ita’i lelei tele. Fa’apea fo’i, ona o se tagata e lē o se atoatoaga ua tatou manatu i ai mai iā ia, e lē fa’apea ai la e leai se mea lelei ua lē mafai ona latou ofoina mai.

Ae tatou te le’i amata ona tu’ua’ia le au “Tusi upu ma le au Farasaio” o a tatou tuā’oi, e tatau ona tatou va’ava’ai iā i tatou lava ma iloa ai ua tatou pei o latou. Ua na o Iesu sa mauaina i ai lenā loto toa tumau i mea sa ia fai mai ai ma mea sa ia faia, o le to’atele o tatou ua masani ona lē ausia lenā manatu. O le fa’ata’ita’iga o le manatu tatala a lo tatou Ali’i i le au Farasaio o se fa’amafanafanaga, ona fa’apea ai lea ona mafai ona tatou fa’amoemoe mo lana fa’apalepale.

E tele auala e mafai ona tatou fa’ata’ita’i ai iā Iesu. Ae o le taumafai e fa’ata’ita’ia lona alofa muti-mutivale i isi e tatau ona i luga o a tatou lisi o mea e tatau ona faia. Iā tatou taumafaiga ina ia avea ma Kerisano taumaūga, e lē mafai ona tatou sesē ai i le manatu o le lelei atoatoa a isi. E lē tatau ona tatou fa’agaloina le vituti mamana o le fa’apalepale, e tatau ona fa’aoga – e o’o lava i o tatou fete’ena’iga.

E ui e fa’aauau ona tu’ua’ia mo a latou vaivaiga ma le fa’aletonu, o le au Farasaio o lo’o latou u’uina se mea e lelei ai fo’i isi. Na va’aia e Iesu lea mea ma fa’amaonia, ma tatau fo’i iā i tatou.

Faitauga mo le Masina o Novema – 2023

Aso 12 Novema Aso Sa 32 Taimi Masani: Faitauga muamua – Poto 6: 12 – 17. Matua: E maua lava le poto e i latou e sa'iliili i ai.

Salamo 63: 1 (tali), 2 – 3 (tali), 4 – 5 (tali), 6 – 7 (tali). Tali: Le Atua e, o lo'u Atua lava 'oe, ua fia inu lo'u agaga iā te oe.

Faitauga lona lua – 1 Tesalonia 4: 13 – 18. Matua: E aumaia e le Atua fa'atasi ma Iesu o e momoe ona o ia.

Aleluia, Aleluia...Ia outou mātaala e lē aunoa ma tatalo ina ia tutū i luma o le Atali'i o le tagata... Aleluia.

Evagelia – Mataio 25: 1 – 13. Matua: Ua sau le fa'atoāfaiavā; inā o ia outou e fa'afetaia'i iā te ia.

Tofitofiga o le Upu:

O le malū o le leo a le atamai mai totonu i le sauniga o le asō, mai le Poto a Solomona ma fa'asolo atu ai i le Evagelia a Mataio. O le poto a le tagata ua fa'amatalaina o le atamai e fa'amasino lelei ai ma feagai atu ai ma mea moni a o latou fa'atautu atu i le olaga ma amioga. E tutusa ma le atamai ae sili atu i lo lea, ona ole atamai e mafai ona aumaia ni i'uga leaga fa'apea ni i'uga fa'aeaeaina. O sē e atamai, mo se fa'ata'ita'iga, fa'aogā lana "taleni" e gaoi ai ma fa'aogā e saina sesē ai ni siaki. Poto, e ui i lea, e lē ta'ita'ia i tatou i le leaga. E lē mafai ona tatou mauaina le anoanoa'i o lea, ona o le tele o le poto o le lelei fo'i lea mo i tatou.

Ua ta'u maia e le Tusi Pa'ia iā i tatou ia atina'e ma fa'amanino o tatou atamai fa'aletagata – o a tatou olaga fa'afilosofia. E ta'ua tele mo i tatou ma isi pe afai e iā i tatou le manatu atamai i fesili tetele ma e mafai ona fa'amatalaina ma fa'auigaina i latou. Po o lea lava a tatou galuega, atamai po o tulaga o tatou olaga e tatau iā i tatou ona malamalama i le moni, ona "o le moni o le a fa'asa'olotoina ai i tatou."

O se faifa'atoaga manuia sa fa'atulagaina ona mafaufauga o le atamai aogā ma lolomi ma fa'asoa atu i ana au fai pisinisi. O nisi nei o ana tusitusiga:

- O le agasala aupito sili o le mata'u.
- O le mea sesē sili o le musu gofie.
- O le poto masani ua sili lona fa'amalieina o le faia o au tiute.
- O le gaoiga sili e mafai ona e faia o le fa'amanino lelei o lou mafaufau ma au fa'amasinoga ia lelei.
- O le valea aupito sili o le tagata ua pepelo iā ia lava.
- O le mea mautinoa i lenei olaga o suiga.
- O le fiafiaga sili o le mana'omiaina.
- O le tagata aupito sili le atamai o lē e faia mea ua ia manatu e tonu ma sa'o.
- O le avanoa maoa'e o le isi e soso'o mai.
- O le manatu sili le mamalu o le Atua lea.
- O le manumalō aupito le sili o le manumalō iā 'oe lava.

O le tiute a sē talitonu fa'alelotu ina ia tatou manatu mo tatou lava, i lo le aumaia na o ni "tali" fa'atauva'a. O le mea lea, o le Ekalesia ua vala'auina i tatou i le asō e toe mānatunatu iā tatou filosofia o le olaga ma fuafua o le a lea ma o fea e sau mai ai. E tatau ona tatou fesiligia i tatou lava: po o iā i tatou ni manatu maumaututū ma ni talitonuga, po o tatou ola ai i le taugofie o lo'o fa'ateleina mai luga o TV?

E to'atele tagata talavou, iā latou taumafaiga e te'ea le taugofie ma le mauaina mai o le atamai, ua lavelavea i mai'u a talitonuga fa'aonaponei. O i'ina ua loloto ai le fa'apologaina i le fa'afoliga a atamai ma le sa'olotoga.

O le fa'ata'oto na fa'amatalaina i lenei Misasa, ua talanoa Iesu e uiga i ni tagata e to'asefulu, e to'alima e atamamai ma le to'alima e vālea. Pe o tumau ai pea lenā fua fa'atautu i nei aso? Pe na o se afa o tagata e atamamai?

Faitauga mo le Masina o Novema – 2023

Ua fa'amanatu mai e le Tusitusiga Pa'ia iā i tatou o le “mata'u i le Ali'i o le amataga lea ole potō.” E le fa'apea la tatou te fefefe ma tetete i lona Afio ai, ae ia tatou fa'aaloalo ma le fa'amaoni i le Atua ma malamalamaina Lona Mamalu ma tatou fo'i. Tatou te taumafai e va'aia le foafoaga atoa ma le uiga o le olaga mai Lana Va'aiga – ma o le potō lenā.

Aso 19 Novema Aso Sa 33 Taimi Masani - Faitauga muamua – Fa'ata'oto 31: 10 – 13, 19 – 20, 30 – 31. Matua: Avatu iā te ia le fua o ona lima.

Salamo 128: 1 – 2 (tali), 3 (tali), 4 – 5 (tali). Tali: Amuia i latou uma o e matata'u i le Ali'i.

Faitauga lona lua – 1 Tesalonia 5: 1 – 6. Matua: O le aso o le Ali'i e pei o le gaioi i le po, e fa'apea ona o'o mai ai.

Aleluia, Aleluia...Ia e fa'amaoni se'ia o'o i le oti, ona ou avatu ai lea iā te oe o le pale o le ola... Aleluia.

Evagelia – Mataio 25: 14 – 30. Matua: ua e fa'amaoni i nai mea itiiti, inā ulufale mai ia i le fiafia o lou Ali'i.

Tofitofiga o le Upu:

O le fa'ata'oto ua fa'amatalaina e Iesu i le asō e fai sina umi, pe tusa ma le 400 upu – ae ua tatou taumafai e fa'apu'upu'u i upu e lima: FA'AOGA PO LE LEILOA ATU. O le vala'au a le Ali'i i ona tagata mo gaioiga ina ia ausia ai nei galuega lelei.

O tatou uma e i ai le tele o uiga lelei o le mafaufau, agaga ma le tino ua tu'uina mai ma le sa'olotoga iā i tatou, e pei o le tupe siliva na tu'uina atu e le ali'i i ana 'au'auna ae le'i alu atu i lana malaga. O a mea tatou te faia i nei 'oloa taūa? Ua fai mai le au atamamai o le tagata masani ua fa'aogā na ole 10 pasene o le mafaufau. Mafaufau po a mea ua mafai pe a tatou fa'aogaina le 50 pasene o le mafaufau po le 100 pasene fo'i. Tatou te lē onosa'ia a tatou ta'avale pe afai e alu ai na ole 10 pasene. E fa'apea fo'i Lē na foafoaina i tatou ua fa'amoemoeina se pasene maua luga mai a tatou gaioiga. O taleni e tatau ona fa'aogā, ae lē o le nanā pe nofonofovale fo'i.

Afai tatou te sasa'a uma atu le alofa ua tatou gafatiaina, o le a lava lea e suia atoa ai foliga ole lalolagi. Ina ia fa'ataunu'uina o tatou olaga tatou te lē toe mana'omia nisi vaganā le fa'aosofiaga e fa'aogā mea ua iā i tatou. Maitau pe fa'apefea ile Atua, i le tagata o le ali'i, ua matuā lē fiafia i le tagata e le'i fua mai ai ni fua. “Le 'au'auna leaga e, ma le paiē” ua fai atu ai o ia, ma “Ia outou tulia fo'i le 'au'auna lē aogā i le pouliuli i fafo.” O le isi to'alua na fa'ateleina i le 100% ua maua le avanoa e fa'alogo ai i upu, “Ua lelei ia, le 'au'auna lelei e, ma le fa'amaoni, inā ulufale mai ia i le fiafia o lou Ali'i.”

Atonu o le fa'agagaina o a tatou tomai e fa'amoemoe lea i o tatou filosofia o le olaga ma o tatou manatu pe aiseā ua tatou i ai i lenei lalolagi. O nisi o le a fai mai ua tatou i ai nei ina ia fa'asaoina o tatou agaga. Pe lē o se va'aiga fa'avāpapi lea? O le fa'aolataga fa'aletagata e lē o le tala atoa lea. Ua tatou i ai nei ina ia ola ai se olaga e fua lelei mai, e pei ona faia e Iesu i le taimi sa i ai i lenei lalolagi, ona o ia sa fealua'i solo ile faia o galuega lelei mo isi.

O le tupe i le fa'ata'oto ua fa'aogaina o se fa'atusa mo le agaga a le tagata. O le tagata lona tolu, o lē na fa'asalaina mo le lē fa'aogaina o le taleni, sa mafai ona finau mai fa'apea:” Va'ai, e le'i leiloa lau tupe. Sa ou teuina lelei lava.” Na tali atu le ali'i e le'i fuafuaina le 'au'auna e teuina le tupe ae ia fa'aogaina – po o le fa'asa'oina tele, o le fa'ateleina.

O lenei faitauga ta'uta'ua a le Evagelia ua lagolagoina le mana'omia ona faia ni galuega lelei ina ia avea ma Kerisiano atoatoa. E tofotofoina ai le a'oa'oga, e masani ona tu'uina mai, o le fa'aolataga ua na o le fa'atuatuaga e maua mai ai. E ui o le fa'atuatuaga o le autū i talitonuga fa'alelotu, o lo'o fa'amoemoeina e fua lelei mai ai ni galuega lelei – e lē gata e si'itia ai le mamalu ale Atua ma fesoasaoni i o tatou ali'i ma tama'ita'i. O le fa'atuatuaga moni i le Atua ma le alofa moni o le tuā'oi o le a ta'ita'ia fa'anatura ai i tatou i le 'au'aunaga ma le tala'iga. I le fesoasaoni atu i isi o le a fa'apea

Faitauga mo le Masina o Novema – 2023

ona tatou lavea'ina ai o tatou fo'i agaga.

Aso 26 Novema ASO SA IESU LE TUPU – Faitauga muamua – Esekielu 34: 11 – 12, 15 – 17.

Matua: Ou te fa'amasino i manu ma manu, o mamoe po'a ma oti po'a.

Salamo 23: 1 – 3 (tali), 5 – 6 (tali). Tali: O le Ali'i, o lo'u leoleo mamoe o ia, e leai se mea ou te ma-tiva ai.

Faitauga lona lua – 1 Korinito 15: 20 – 26, 28. Matua: E tu'uina atu e ia le malō i le Atua o le Tamā lea, ina ia pule aoao le Atua i le aoao o mea.

Aleluia, Aleluia...Ia manuia le afio mai i le suafa o le Ali'i; ia manuia le malō ua o'o mai i lo tatou tamā o Tavita...Aleluia.

Evagelia – Mataio 25: 31 – 46. Matua: Ona tu'u'ese'eseina lea o i latou e ia.

Tofitofiga o le Upu:

O le sauniga fa'aletausaga ua taunu'u i lona i'uga i le patipatia fa'aletausaga o lenei Sulufaga o Keriso Le Tupu. O le aso Sa 52 o le tausaga, ua pei o se pelē ua totō ma tufatufa atu – ta'itasi ma lana ia fe'au fa'apitoa. O le asō ua tatou fa'atinoaina ai le 52 – o le Tupu o Loto – e pei ona fa'amatala mai e le Evagelia o Lana sau i le mamalu i le i'uga o le taimi. O le Ali'i o le a fa'aeaea mai e ana agelu e fa'apa'ia i latou sa galulue i 'au'aunaga 'ese'ese i tagata mafatia a le lalolagi, ona o le faia o lea sa latou 'au'auna atu i le Tupu.

O Iesu e lē o se tupu o ni kalapu, pulea ma le sauā malosi ma le paoa. O le kalapu o se fa'aauuina o le mau tauave i lo le loto. E lē o ia o le tupu o suō, ona o le Ali'i e lē asuina ni palapala i isi, e lē ufiufi fo'i i ana gaoiga pe tanuina mea ua tuana'i. O lana nofoa'iga ua tatala atu mo tagata uma e va'ai ma fa'ata'ita'i i ai. E lē pei o nisi o tupu fa'alalolagi nei, o le Fa'aola e lē o se tupu o taimane, naunau i le 'oa, mamalu ma le fe'ilafī. O lona mamalu e sau mai le isi lalolagi. "O a'u o se tupu," ua fai mai o ia "ae o lo'u malō e lē o i le lalolagi nei." E pei o suti e fa o le pelē, e pei o le fa o vaitau, tomanatu i le ta'amilosaga a le tausaga, e fa'amalosi'auina i le iloaina o Iesu sa filifilia e avea ma "Tupu o le Loto."

O Iesu o le ogatotonu o tatou olaga e pei o le fatu i o tatou tino. "Ia outou fa'aa'oa'o iā te a'u," fai mai ai le Tupu, "auā o a'u lē agamalū ma le loto mau lalo." Afai o tatou loto ua fa'aletonu po o lea lava le mafua'aga, iloa o lona fatu na nuti mo tatou. O ia o le fa'amalolō na fa'amanu'alia. O Iesu o le Leoleo o Mamoe ua leiloa, Fa'aola o tagata agasala, Faia'oga, Agaalofoa ma le Tupu o le lalolagi.

O la tatou feagai ai ma Keriso Le Tupu ua aumaia iā i tatou le tiute ma le mamalu, o se tasi o noataga fa'avae o le tausia o ana tulafono 'auro. Afai e mafai ona tatou faia i isi e pei ona tatou manana'o iā latou e faia mai iā i tatou, o le lalolagi o le a iloaina se nofotupu fou o le filemū. I le Tupu ua tatou nofo aitalafu i le fa'amaoni ma le aloa'ia ua ia umia lea tulaga muamua. O mamalu ua ia fa'ae'e'ina i o tatou luga ua sili atu i lo tiute, ona o se fa'aeaea le avea ma ana 'au'auna. Ua tatou iloaina e lē una'ia i tatou i tua atu o tatou malosi, ma ua vala'auina i tatou ia avea ma tagata tumau o Lona Malō e fa'avavau.

O le faitauga mai le Evagelia a Mataio i le asō ua va'aia e nisi o le au faia'oga o le tusi pa'ia o le "Poloa'iga e Sefulu a le Feagaiga Fou." Ua fa'amatala mai ai mea e tataua ona faia ma mea e lē tataua ona faia i olaga Kerisiano ma fa'amatala pe na fa'apefea i o tatou fa'aolataga atoa ona fa'amaui tulaga ua tatou manatu ai mo latou ua lē mauaina le manuia. O se tasi o a'oa'oga manino o le tataua ai o galuega lelei.

"O mai ia outou ua fa'amanuiaina e lo'u Tamā, ia fai mo outou le tofi o le malō...auā na ou fia 'ai, ona outou avane ai lea ni mea ou te 'ai ai..." O lana auala fa'afaigofie lenei o le ola ai. E mafai e tagata uma ona fa'ata'ita'ia ma tauavea se folafolaga e tumau. Ua tatou mauaina mai le upu a le Tupu lava ia.



Faitauga mo le aso Sa muamua o Novema – 2023

Aso 3 Tesema Aso Sa muamua o le Atevetu – Tausaga B – Faitauga muamua – Isaia 63: 16 – 17; 64: 1, 3 – 8. Matua: “E! le fia masae o le lagi iā te oe, ma ia e afio ifo”.

Salamo 80: 1 – 2 (tali), 14 – 15 (tali), 17 – 18 (tali). Tali: Le Ali'i e, ia e fa'afo'isia i matou, ma ia fa'amalamalama mai ou fofoga, ona fa'aolaina ai lea o i matou.

Faitauga lona lua – 1 Korinito 1: 3 – 9. Matua: Ua tatou fa'atalitali i le fa'aaliga o lo tatou Ali'i o Iesu Keriso.

Aleluia, Aleluia...Le Ali'i e, ia e fa'aioa mai iā te i matou lou alofa; ia e foa'iina mai fo'i iā te i matou le olataga mai iā te oe...Aleluia.

Evagelia - Mareko 13: 33 – 37. Matua: Ia outou, inā mataala ia! Auā tou te le iloa po o afea e afio mai ai le Ali'i.

OFISA TUTOTONU A LE KAPELANISIA

Ta'ita'ifono: Pula Sapatu Sola Nei - +64275348083

Sui – Ta'ita'ifono: Kaietano Smith - +64226091196

Failautusi – Fa'afo'i Bell - +64212354741

Teutupe: Falega Lili'i - +642102936452

E- Mail: samoanchaplaincy@gmail.com



Taulogologo—Mikaele Teofilo – 021 0818 5037